

Broj: 03-1-34-1071/25
Sarajevo, 04.02.2025. godine

Na osnovu člana 3. Odluke o objavljivanju Javnog poziva za prijavu kandidata za izradu kataloga zadataka za nastavne predmete koji se izučavaju u osnovnim i srednjim školama Kantona Sarajevo a u skladu s predmetnim kurikulumima zasnovanim na ishodima učenja broj: 01-3-34-1070/25 od 04.02.2025. godine, Javna ustanova Institut za razvoj preduniverzitetskog obrazovanja Kantona Sarajevo objavljuje,

**JAVNI POZIV
ZA PRIJAVU KANDIDATA ZA IZRADU KATALOGA ZADATAKA ZA NASTAVNE
PREDMETE KOJI SE IZUČAVAJU U OSNOVNIM I SREDNJIM ŠKOLAMA KANTONA
SARAJEVO A U SKLADU S PREDMETNIM KURIKULUMIMA KANTONA SARAJEVO
ZASNOVANIM NA ISHODIMA UČENJA**

I

Javna ustanova Institut za razvoj preduniverzitetskog obrazovanja Kantona Sarajevo (u daljem tekstu: Institut) objavljuje Javni poziv za prijavu kandidata za izradu kataloga zadataka za nastavne predmete koji se izučavaju u osnovnim i srednjim školama Kantona Sarajevo a u skladu s predmetnim kurikulumima zasnovanim na ishodima učenja (u daljem tekstu: Javni poziv) i to za:

1. Bosanski jezik i književnost, Hrvatski jezik i književnost, Srpski jezik i književnost (12 članova; 3 u razrednoj nastavi, 3 u šestom razredu, 3 u devetom razredu, 3 u drugom razredu srednje škole);
2. Matematika (12 članova; 3 u razrednoj nastavi, 3 u šestom razredu, 3 u devetom razredu, 3 u drugom razredu srednje škole);
3. Moja okolina (3 člana; 3 u razrednoj nastavi);
4. Fizika (6 članova; 3 u devetom razredu, 3 u drugom razredu srednje škole);
5. Hemija (6 članova; 3 u devetom razredu, 3 u drugom razredu srednje škole);
6. Biologija (7 članova; 2 u šestom razredu, 2 u devetom razredu, 3 u drugom razredu srednje škole);
7. Historija (7 članova; 2 u šestom razredu, 2 u devetom razredu, 3 u drugom razredu srednje škole);
8. Geografija (7 članova; 2 u šestom razredu, 2 u devetom razredu, 3 u drugom razredu srednje škole);
9. Priroda (2 člana u petom razredu);
10. Društvo (2 člana u petom razredu).

web: <http://www.irpo.ba>

e-mail: info@irpo.ba

Tel: (00 387 33) 778 600

Aleja Bosne Srebrene bb/IX, 71000 Sarajevo, Bosna i Hercegovina

II

Javni poziv se objavljuje s ciljem izrade kataloga pisanih zadataka s jasno definisanom formom koja je usklađena s Bloomovom taksonomijom i dimenzijama znanja za gore navedene nastavne predmete i nivoe obrazovanja kako slijedi: treći (3), šesti (6) i deveti (9) razred osnovne škole, te drugi (2) razred srednje škole. Isti se pišu prema utvrđenim predmetnim kurikulumima zasnovanim na ishodima učenja. Gore navedeni katalogi bit će primjer kako je moguće mjeriti ostvarenost ishoda učenja za navedene predmete.

III

3.1. Opći kriteriji:

Pravo prijave na Javni poziv imaju osobe koje ispunjavaju sljedeće uslove:

- Završen najmanje VII stepen stručne spreme ili drugi ciklus Bolonjskog sistema studiranja;
- Najmanje pet (5) godina radnog iskustva.

3.2. Dodatni kriteriji:

- Visok stepen iskustva u području obrazovne teorije, didaktike i metodike nastave;
- Razvijene osnovne digitalne kompetencije potrebne za grafičko uređenje zadataka korištenjem digitalnih alata što uključuje saradnički rad na dokumentima i učestvovanje u online sastancima;
- Razumijevanje kognitivnih teorija (npr. Bloomove taksonomije, teorije o višestrukim inteligencijama) i kako se one primjenjuju na testiranje;
- Razvijene komunikacijske i organizacijske vještine;
- Naročito izražena sposobnost rada u timu i poštivanje zadanih vremenskih rokova.

IV

4.1. Obaveze kandidata koji budu izabrani na osnovu Javnog poziva:

- pisanje zadataka na različitim nivoima Bloomove taksonomije različitih dimenzija znanja i dimenzija kognitivnih procesa za različite nastavne predmete i nivoe obrazovanja, a kojima će se mjeriti ostvarenost ishoda učenja prema navedenim nastavnim predmetima;
- konstruisanje zadataka uz korištenje digitalnih alata;
- primjenjivanje korekcija u vidu preporuka Instituta i recenzenata na sve napisane zadatke koji to zahtijevaju;
- pisani zadaci podrazumijevaju: oblast, tip zadatka, zadatke s uputstvom za bodovanje;
- kontinuirana saradnja i rad u timskom okruženju;
- kontinuirana saradnja i dogovor s Institutom;
- poštivanje dogovorenih rokova;
- kandidati su u obavezi prisustvovati obukama u organizaciji Instituta.

web: <http://www.irpo.ba>

e-mail: info@irpo.ba

Tel: (00 387 33) 778 600

Aleja Bosne Srebrene bb/IX, 71000 Sarajevo, Bosna i Hercegovina

V

5.1. Obavezna dokumentacija:

Kandidati su obavezni pravilno popuniti prijavni obrazac i u isti dodati u pdf formatu:

- CV;
- skeniranu diplomu o stečenoj stručnoj spremi;
- skenirano uvjerenje o položenom stručnom ispitu za samostalan odgojno-obrazovni rad (odnosi se na nastavnike u osnovnim i/ili srednjim školama);
- skenirana potvrda/uvjerenje o radnom iskustvu.

5.2. Dodatna dokumentacija:

- potvrda/uvjerenje/ugovor o angažmanu u međunarodnom projektu u BiH koji je sadržavao aktivnosti vezane za organizaciju različitih ispita i ispitnih zadataka;
- potvrda/uvjerenje/ugovor angažmanu u međunarodnim projektima u BiH koji je sadržavao aktivnosti vezane za organizaciju različitih ispita i ispitnih zadataka i/ili projekti u organizaciji APOSO vezani za utvrđivanje standarda učeničkih postignuća i slično.

NAPOMENA: Institut zadržava pravo traženja dodatne dokumentacije relevantne za dokazivanje općih uvjeta predviđenih Zakonom.

VI

Poželjno iskustvo relevantno za ovaj Javni poziv:

- u pogledu pedagoške prakse kandidati trebaju imati iskustva u nastavi i uvođenju novih metoda praćenja i vrednovanja u učionici. Iskustvo u realnim uslovima nastave pomaže u razumijevanju praktičnih aspekata primjene konstruisanja zadataka;
- sposobnost prepoznavanja i prilagođavanja zadataka prema kulturnim i obrazovnim specifičnostima BiH;
- iskustvo u izradi različitih vrsta zadataka: višestruki izbor, zadaci s otvorenim odgovorima, situacijske i aplikativne zadatke povezane sa stvarnim i zamišljenim situacijama i slično;
- razumijevanje metodologije i strukture međunarodnih istraživanja kao što su TIMSS, PIRLS i PISA;
- sposobnost interpretiranja i primjene rezultata iz tih istraživanja u kontekstu domaćeg obrazovnog sistema;
- odbranjen magistarski/doktorski rad iz oblasti međunarodnih istraživanja učeničkih postignuća;
- angažman na pisanju zadataka eksterne mature, takmičenja.

VII

Prijave izvršiti isključivo putem naznačenog linka <https://forms.gle/nunPciS3nYWAjoLv7>

VIII

Rok za dostavljanje prijava je deset (10) dana od dana objavljivanja Javnog poziva.

Nepotpune i neblagovremeno prijave na Javni poziv neće se razmatrati.

Prijave koje odgovaraju uslovima Javnog poziva procjenjuju članovi komisije koje imenuje direktorica Instituta. Odabrani kandidati će biti informisani putem maila o izboru za izradu kataloga zadataka za navedne nastavne predmete.



Direktorica Instituta
Salihović
Senada Salihović

Dostavljeno:

1. Sektor za nastavne planove i programe;
2. Web stranica Instituta;
3. a/a.

web: <http://www.irpo.ba>

e-mail: info@irpo.ba

Tel: (00 387 33) 778 600

Aleja Bosne Srebrene bb/IX, 71000 Sarajevo, Bosna i Hercegovina